

王文公文集

十三

王右軍尺牘集

卷一

王文公文集卷第七十一

律詩

宜春苑

御溝

金明池

葛溪驛

霹靂溝

南澗橋

道光泉

謝安墩二首

鐵幢浦

驪山

巫峽

邵平

中牟

黃河

吳江

松江二首

烏塘二首

拓岡

天童山溪上

江寧夾口五首

相州古瓦

望夫石

王村

京城

東城

北城

出城

長垣北

安豐張令修芍陂

東岡

東臯

東陂二首

山陂

北山

山前

山中

隴東西二絕句

東江

春江

江

江南

江上五首

南浦

斜徑

北牕

北望

宜春苑

宜春舊臺沼日暮一登臨
解帶行蒼蘚移鞍坐綠陰
樹疎啼鳥遠水靜落花深
無復增修事君王惜費金

御溝

渺渺金河漲欲平
數支分淥報清明
常縈輦路漂花去
更引流盃送酒行
靜見金輿穿樹影
清含玉漏過牆聲
衰顏一照自多感
回首江南春水生

金明池

宜秋西望碧參差
憶看鄉人褰飲時
斜倚水開花有思
緩隨風轉柳如癡
青天白日春常好
綠髮朱顏老自悲
跋馬未堪塵滿眼
夕陽偷理釣魚絲

葛溪驛

缺月昏昏漏未央一燈明滅照秋床病身最
覺風露早歸夢不知山水長坐感歲時歌慷
慨起看天地色淒涼鳴蟬更亂行人耳正抱
踈桐葉半黃

霹靂溝

霹靂溝西路柴荆四五家憶曾騎欵段隨意
入桃花

南澗橋

重

撲撲煙嵐繞四阿物華終恨未能多故應斗
起三千丈始柰重山復嶺何

道光泉

籜龍將雨繞山行
注遠投深靜有聲
雲涌浴槽朝自暖
虹垂齋鑊午還晴
銅瓶各滿幽人意
王甦因高正士名
神力可嗟妨智巧
桔槔零落便蒼生

謝安墩二首

我名公字偶相同
我屋公墩在眼中
公去我來墩屬我
不應墩姓尚隨公

二

謝公陳迹自難追
山月淮雲祗往時
一去可

憐終不返暮年垂淚對栢伊

鐵幢浦

憶昨初爲海上行日斜來往看潮生如今身
是西歸去回首山川覺有情

驪山

六籍燃除士不磨驪山如此盜兵何五陵珠
玉歸人世却爲詩書發冢多

巫峽

神女音容詎可求青山回抱楚宮樓朝朝暮
暮空雲雨不盡襄王萬古愁

邵平

天下紛紛未一家
販繒屠狗尚雄誇
東陵豈是無能者
獨傍青門手種瓜

中年

頽城百雉擁高秋
驅馬臨風想聖丘
此道門人多未悟
爾來千載拚悠悠

黃河

派出崑崙五色流
一支黃濁貫中州
吹沙走浪幾千里
轉側屋閭無處求

吳江

莽莽昔登臨，秋風一散襟。
地留孤嶼小，天入五湖深。
柑橘無千里，魚鰕有萬金。
吾雖輕范蠡，終欲此幽尋。

松江

宛宛虹霓墮半空，銀河直與此相通。
五更漂渺千山月，萬里淒涼一笛風。
鷗鷺稍回青靄外，汀洲時起綠蕪中。
騷人自欲留佳句，忽憶君詩思已窮。

二

來時還似去時天，欲道來時已惘然。
祇有松

江橋下水無情長送去來船

烏塘

地僻居人少山稠伏獸多
怒狸朝搏鴈曉虎夜窺騾
籬落生孫竹門庭上女蘿
未應悲寂寞六載一經過

二

烏塘渺渺渌平堤堤上行人各有携
試問春風何處好辛夷如雪柘岡西

柘岡

萬里紛紛只偶然老來容易得新年
柘岡西

路花如雪回首春風最可憐

天童山溪上

溪水清漣樹老蒼行穿溪樹踏春陽溪深樹
密無人處唯有幽花渡水香

江寧夾口五首

茅屋滄洲一酒旗午煙孤起隔林炊江清日
暖蘆花轉恰似春風柳絮時

二

月墮浮雲水捲空滄洲夜汧五更風北山草
木何由見夢盡青燈展轉中

三

鍾山咫尺被雲埋
何況南樓與北齋
昨夜月明江上夢
逆隨潮水到秦淮

四

日西江口落征帆
却望城樓淚滿衫
從此夢歸無別路
破頭山北北山南

五

落帆江口月黃昏
小店無燈欲閉門
半出岸沙楓欲死
繫船猶有去年痕

相州古瓦

吹盡西陵歌舞塵當時星瓦始稱珍甄陶徃
徃成今手尚託聲名動世人

望夫石

雲鬢煙鬢與誰期一去天邊更不歸還似九
疑山上女千秋長望舜裳衣

王村

掩靄王村路春風北使旗塵催輕騎走寒咽
短簫吹攬轡聯貂帽投鞭各酒卮紛紛小兒
女何事倚牆窺

京城

三年衣上禁城塵撫事茫然愧古人明月蒼
波秋萬頃扁舟長寄夢中身

東城

東城酒散夕陽遲南陌鞦韆寂寞垂人與長
鉶卧芳草風將急管度青枝

北城

青青千里亂春袍宿雨催紅出小桃回首北
城無限思日酣川淨野雲高

出城

慣作野人多野興欲爲時用少時材出城偶

與沙塵背轉覺谿山入眼來

長垣北

攬轡長垣北
貂寒不自持
霜風急鼓吹
煙月暗旌旗
騎火流星點
牆桑亞戟枝
柴荆掩春夢
誰見我行時

安豐張令修芍陂

桐鄉振廩得周旋
芍水修陂道路傳
目想儔功追往事
心知爲政自當年
魴魚撥撥歸城市
秔稻紛紛載酒船
楚相祠堂仍好在
勝遊思爲子留篇